

## ¡BOMBA!

Pues que aquí será juzgado Cienfuegos, el general; hablaría, y tal vez muy mal, del tráfico al otro lado



# K'untzil

Miércoles 18 de noviembre de 2020

CAMPECHE · YUCATÁN · QUINTANA ROO · AÑO 6 · NÚMERO 1362 · www.lajornadamaya.mx

## U CHA'ANIL YA NO ESTOY AQUÍ, JO'OLBESA'AN TUMEN FERNANDO FRÍAS, YAAN U KETIKUBÁAJ YÓOK'LAL MÉXICO TI' PREMIOS OSCAR

LA CINTA *YA NO ESTOY AQUÍ*, DE FERNANDO FRÍAS, APUESTA DE MÉXICO EN PREMIOS OSCAR

CIUDAD DE MÉXICO. Paax yéetel kuumbiae' jach k'a'anan ti'al Ulises, máax táaka'an ichil u múuch'il *Terkos*, ichil u múuch'kajtalil Independencia, ti' u lu'umil Monterrey. Leti'e' yanchaj u p'atik u yotoch tu'ux kaja'an ka'achij ti'al u bin Estados Unidos, tu'ux yanchaj u k'éexel ya'abach ba'alob ti' u kuxtal.

U cha'anil *Ya no estoy aquí* "ku náats'al ti' ba'ax ku yu'ubik kaaj, tumen ma' chéen jump'éelili' ba'al ku ye'esiki'", beey úuchik u ya'alik máax jo'olbes u beeta'al cha'an Fernando Frías de la Parra. U meyajje' ts'o'ok

u yéeya'al, ichil jo'op'éeel uláak'o'obe', ti'al u chikbesik México le ken k'u'ubuk u 93 u téenal u ch'impolalo'ob Óscar, ichil u jaatsil mejor película internacional, beey úuchik u ts'a'abal k'ajóoltbil tumen Academia Mexicana de Artes y Ciencias Cinematográficas (Amacc).

Jump'éeel ba'ax táan u kaxta'al u ye'esa'al yéetel cha'ane', ku ya'alik Frías de la Parrae', leti'e' ba'ax ku yáax tukulta'al le ken ila'ak juntúul táankelem jela'an bix u xáachebtmaj u tso'otseel u pool, tumen ku beeta'al tak u meemesilo'ob, ts'o'okole' le je'elo' klasiista ba'al yéetel chéen jump'éeel ti' le ba'ax

ku yúuchul tumen yaan máako'ob yéetel kaajo'obe' suuka'an u péech'óolta'alob chéen yóok'lal bixo'ob.

Ka'aj ts'a'ab k'ajóoltbil le cha'ana' tu lu'umil Méxicoe', jach utschaj tu yich ya'abach máak tumen ku ch'ikbesa'al cholombianoilo'obi', leti'obe' leti'e' máaxo'ob t'u'ulpachtik junmúuch' tuukul siijil tu lu'umil México, tu'ux ku jach yaabilta'al kuumbia, je'el bix u ye'esal ti' u cha'anil *Ya no estoy aquí*, yéetel Ulises (Juan Daniel García Treviño), juntúul táankelem xi'ipal 17 u ja'abil.

P 26



Foto: Fotograma de película